

MARWNAD

AR FARWOLAETH

ANNE EVANS,

Merch i'r Parchedig Mr. Morgan Evans,

D'r Tŷny Cwm,

O ABERGWESSIN, YN SIR FFECHFINIUG :

*Yr hon a ymaduodd A'r byd y 19 o
Chwefror, 1781.*

GAN JOSIAH EVANS.

PSAL. lxxxiv. 10.

Dewiswn gadw drws yn nhy fy Nuw o flaen
trigo yn mhabyll annuwioldeb.

PSAL. xc. 6.

Y boreu y blodeua, ac y tyf; prydawn y
torir ef ymaith, ac y gwywa.

Caeirfoddin :

ARGRAFFWYD GAN J. EVANS.

1817.

W438 5 40

W4 1988

X205 308618

MARWNAD, &c.

- 1 Chwi gyfeillion hardd cariadus
Sy' yn yr eglwys filwriaethus,
Yn preswyllo yn nhŷ'r Arglwydd,
Tan y groes er maint y gw'radwydd;
Ac sy'n dal eu sfordd yn flyddlon
Tua'r wlad, er brâd gelyniion,
Teyrnas ne'—dedwydd le—
Aneddle dauwiolion,
Sydd yn canu draw yn gysson,
Wedi myned dros yr afon.
- 2 Clywch beth rhyfedd yn ein dyddiau!
Yn y gwanwyn daeth yr hydre'!
Wedi i'r egin darddu allan,
Yn y blodau rhowd y cryman!
Dyma alarnad, profiad pruddaidd—
Nani aeth i'r byd diddiwedd!
Wedi bod dan y rhod
Yn hynod rai dyddiau,
A ymadawodd â'n cynteddau,
Ac aeth i'w thragywyddol artre'.

- 3 Nid yw angeu yn wastadol
 Yn myn'd, 'nol rheswm cyffredinol,
 At yr henaint clafaid clwyfus,
 Ond at y ie'nctyd gwiwlan gweddus
 Wrth ddal sylw, mi ganfydda'
 Rai 'mblith ereill draw ac yma,
 A blodau'r bedd yn eu gwedd,
 I'w gweled yn oleu,
 Etto yn mwynhâu munudau,
 A'r iau o oedran yn myn'd adre'.
- 4 Gwyn eu byd y meirw dedwydd,
 Y rhai sy'n marw yn yr Arglwydd;
 Gwerthfawr ydyw marwolaethau
 Ei saint y'ngolwg Duw yn ddia;
 Maent yn gymhwys yn cael gorphwys
 O fewn i'r barod bur Baradwys;
 Nefoedd mwy, iddynt hwy,
 Trwy y clwy' a gadwyd,
 Sy' wedi gorfod pob rhyw ofid,
 A myn'd o'u bodd i dir y bywyd.
- 5 Fe fu *Nani* yma ronyn
 Yn y wiellan fel plañ yn
 Hardd ei blodau, pêr ei freythau,
 Doeth ei deall, dwys ei doniau;
 'Roedd arni hiraeth hynod hylwydd
 Am fyned i gynteddau'r Arglwydd;
 A hyn o hyd oedd ei bryd,
 Yn ddiwyd i ddyfod
 Lle byddai'r llwythau yn cyfarfod
 Yma'n llon yn Seion isod.

- 6 Nid wy'n rhifo ei rhinweddau
 Er mwyn boddio neb personau ;
 Nac yn sôn am ei rhagoriaeth
 Er mwyn rhoi iddi hi ddyrchafiaeth ;
 Mae pawb o'r byd i gyd yr unwedd
 Wedi eu llunio mewn anwiredd :
 Ond Efe, Brenin Ne',
 Wnaeth y gwahaniaeth ;
 Efe yw Awdwr cadwedigaeth,
 A slynon loyw icchydwriaeth.
- 7 Mae nghyfeillion yn fy ngad'el
 Yma o hyd mewn byd o ryfel,
 'Rhai a welais yn ymdeithio
 Trwy'r diffeithwch heb ddiffygio,
 Eu gwaith a'u gyrfa wedi gorphen,
 A chael mwynhâd o'u gwlad eu hunain,
 Gwynfyd mwy, eu henaid hwy
 Aeth trwy bob tristwch,
 Mewn i hafan yr hyfrydwch,
 I wel'd y Brenin yn ei degwch.
- 8 O fy chwaer ! mae'n alar i mi
 Feddwl rhoddi ffarwel i ti ;
 Mi'th welais ar y ffordd yn ffyddlon,
 Yn teithio yn symyl tua Seion,
 Yn ceisio tynnu yn erbyn tônau
 Ar ol y santaidd gywir seintiau :
 Gwn'est, trwy'r wlad, i dy dra'd
 Gerddediad glân goleu,
 Ac heb droi y cloff o'r llwybrau,
 O mor gymhwys oedd dy gamrau !

- 9 Ti fuost yma yn dra enwog,
 Yn dy broffes yn flodeuog,
 Fel olew-wyddden i'r a ffrwythlon,
 Wedi ei phlannu wrth yr afon,
 A'th ddail yn lân heb wywo gronyn,
 Trwy rinwedd nôf y nefol wreiddyn;
 Trwy dy slydd, nos a dydd,
 'Roedd cynnydd dy gresydd;
 Ond sylwi ar deimladau newydd
 O'it yn barod iddo beunydd.
- 10 Wrth wel'd gelynyon creulon cyfrwys,
 Yr o'it yn fynych iawn yn ofnus,
 Rhag nad oeddit ti mewn purdeb
 Wedi adnabod grym duwioldeb;
 Ond dy ymfrost oedd er hyny
 Ddydd a nos yn nghro's yr Iesu:
 Dyma o hyd, yn y byd,
 Oedd ergyd dy ysbryd,
 Cael adnabod fod dy fywyd
 Wedi ei guddio yn dy Anwylyd.
- 11 Ti fuost ddyfal iawn i chwilio,
 Rhag y gallai'th sail di siglo:
 Nid rhyw hanes bell am bethau
 A'th ddaliai i'r lân o tan gystuddiau,
 Ond adnabod fod yr Iesu
 Ar dy ysbryd gwan yn gwenu;
 Gwel'd ei wedd—teimlo ei hedd
 Oedd dy wledd hyfryd;
 Ond pan guddiai ei wynebpryd,
 Yn wastad byddit mewn rhyw olid.

- 12 Gwael a fnoſt yn y gwely,
 A'th wedd egwan yn gwanychu ;
 Llawer gwaith i'th welais yno
 Yn dra llwythog yn och'neidio ;
 Blodau natur oedd yn gwywø,
 Ond dy ysbryd yn adfywio :
 Angen du, gelyn cry',
 Oedd yn hŷ yno.
 Arnaf ti yn dechrau gweithio,
 Nes oedd sylfaen'r tŷ yn siglo.
- 13 Ond o'r diwedd daeth yr oriau
 I ti orphen ar dy siw'nai,
 A myn'd i gwrdd â'r gelyn ola',
 Lle nad oes arfau i ryfela :
 Ond rhyfedd elw oedd marwolaeth,
 Am fod Crist yn fyw it' cilwaith :
 Dros brydnawn irad iawn
 Arosodd wylofain,
 Daeth y bore hardd drachefen ;
 Byth ni chlywir di yn ochain.
- 14 Beth a dal in' wylo dagrau
 With fyfyrïo dy fyn'd adre' ?
 Ni wela'i mwy o'th wyneb gweddus,
 Ac ni chlywa'i'th lais cariadus
 Yn fy annog i ddiwygio,
 A gadael fy ynfydrwydd heibio ;
 Pan bawn i'n ffol yn myn'd ar ol
 Bydol wrth-ddrychau,
 Ti'm cynghorit hwyr a bore
 I'mo'yn yn mhell am well trysorau.

- 15 Dywed pa gyfeillion newydd
 A gefaist yn y byd tragwydd?
 A weli neb y'mhlith nefolion
 A geraist yma yn dy galon?
 Ac aeth yn lân o'th fla'n flyneddau,
 Yn iach uwch nen i ben eu siwrnai?
 Ti geist fraint gydâ'r saint,
 Rhyfedd faint hōno!
 Sef cael gorphwys lle nas gallo
 Neb gelynion mwy dy flino.
- 16 A wel'd di yna'r dyrfa ddedwydd
 Y rhai a rifodd y Dyfeinydd?
 Pedair mil a saith ugain-mil
 Oedd y rhai'n i'w cyfri'n gynnil,
 A ddaeth trwy ras i'r ddinas ddiogel,
 Maes o lwythau meibion *Isr'el*;
 Dyna'r llu santaidd sy'
 Fry mewn llawenydd,
 Gydâ'r O'n ar Seion fynydd,
 Ac yn eu geau ganiad newydd.
- 17 A wel'd di yna dyrfa heb hōno,
 Na ddichon tafod byth eu rhifo,
 Wedi d'od o amryw leoedd,
 Pob rhyw bobloedd, llwythau ac ieith-
 Y rhai a brynwyd o blith dynion, [oedd,
 Yn hardd eu gwedd mewn gynau gwynion
 Ger bron yr O'n, heb ddim sōn
 Am bo'n na griddfan,
 Y rhai o'r cystudd mawr ddaeth allan?
 Ai un o'r rhei'ny wyt ti'th hunan?

18 D'wel pa ryfedd ryw ragoriaeth,
 A well yn y parthau perffaith?
 Yn y Seion orfoleddus,
 Ar y Seion filwriaethus?
 A pha ryw hynod wych wasanaeth,
 A ge'st yn ngwlad dy etifeddiaeth?
 A pha ryw wledd, hwyl a hedd,
 Aurhydedd a phurdeb?
 A pha ganiadau mewn cytundeb,
 Sydd yn ardaloedd anfarwoldeb?

19 *Att.* " Fy mrawd, 'does rhyngof fawr
 cyfeillach

A neb rhyw ddaearolion mwyach;
 Llynwyd pob perthynas gnawdol
 Gan y Bywyd mawr trag'wyddol;
 Ni all tafod marwol byth fynegu
 Y filfed ran a wela'i heddy'!
 Ce's trwy ddrych, gweddaidd gwych,
 I edrych o Nebo,
 Ond mwynhad yn mhell aeth heibio
 I ddim a ddarfu i'm' obeithio.

20 " Dedwydd yw y rhai wahoddwyd
 I neithior hardd yr Oen a laddwyd,
 Ac a dderbynir mewn mawr urddas
 I mewn i 'stafell y briodas;
 Llefa llawer y pryd hyny,
Arglwydd, Arylwydd, ugor i ni,
 Na fu erioed dan ei nod,
 Yn dyfod fel defaid,
 Yna'r Bugail mawr bendigaidd,
 A'u diarddela fel dyeithriaid.

21 “ Gwir fod ffirwythau dyffryn Escol,
 Ar y ffordd yn dda rhagorol ;
 Er mai 'chydig ar drostanau,
 O'wn i'n gyrhaedd ar y gorau ;
 Ond pan iddaethum mewn i'r Bywyd,
 I fedd o ffirwythau'r tiroedd hyfryd,
 Sypiau rhad Canaan wlad
 Sydd yma'n wastadol,
 Yn y Swper mawr trag'wyddol,
 Clywaist fi yno yn eu canmol.

22 “ O! fy mrawd yn mhob cyn'lleidfa,
 Cymmysg bobol welais yna ;
 Lle bai'r canu mwyaf croyw,
 Llais dyeithriad syddai yn hwnw ;
 A phan byddem yn cymuno,
 Judas syddai'n rhyw-le yno ;
 Calon ddu, dyna fu,
 Yn maeddu yn wastad,
 Ond yn awr ar dir fy Ngheidwad,
 Nid oes gulni yn fy nghariad !

23 “ Braint yn nyffryn Baeca chwerv
 Yw cael y llynoedd wedi eu llanw ;
 A chael profi'r Pren perciddia,
 Yn melusu dyfroedd Mara ;
 Dyma sugnodd fy serchiadau,
 O hyd trwy fyd o orthrynderau ;
 Gwel'd o'm blaen, er dw'r a than,
 Yr hafan ddymunol,
 Gwlad fy ngenedigaeith ddwyfol,
 Tre fy nhirigfan yn drag'wyddol.

- 24 " Pan o'wn yn croesi cras fynyddau,
 Da eu defnydd oedd y dafnau,
 Gefais gan fy Mhrynwr perffaith,
 I loni'm henaid ar ei ymdaith ;
 Ond 'nawr 'rwy'n yfed yn ddiattal,
 O'r dyfroedd gloyw fel y grisial,
 Llawn ryddhad, trwy y gwa'd,
 Wy'n wastad yn brofi,
 Ac heb gwyno mwy am gulni,
 Na chalon galed byth ond hyny.
- 25 " Iddo ef yr hwn a'n carodd,
 Ac yn ei waed ei hun a'n golchodd!
 Yn lân oddiwrth halogrwydd pechod,
 Ac euogrwydd ein cydwybod ;
 Ac a'n prynodd trwy farwolaeth
 Yn etifeddion iechydwriaeth ;
 I Fab Duw, ein Prynwr gwiw,
 B'o bob rhyw anrhydedd :
 Dyma sylwedd manol mwynaidd,
 Y gynghanedd gân ddiiddiwedd.
- 26 " 'Does arna'i newyn mwy na syched,
 Na dim dagrau'n llanw'm llygaid ;
 Ond bwyta ac yfed mewn modd addas
 Gydâ'm Mhriod yn ei deyrnas :
 Profi ei hedd a gwerth ei haeddiant,
 Gorfoleddu am faddeuant ;
 Yfed gwin per ei rin,
 Heb brinder un amser,
 Dyma'r sypiau sy'n y swper,
 Hlyfryd hir ar dir uchelder.

27 " 'Rwy' yma 'nawr yn cyfeillachu,
 A'r Patriarchiaid a'r Proffwydi ;
 Apostolion a merthyron,
 A llu aneirif o angelion !
 Ond sylwedd fy nedwyddwch hynod
 Yw bod yn agos at fy Mhriod :
 Dihuno wnes, yna ces,
 A'i ddelw fy ngwisgo ;
 Nefoedd im' yw'r olwg arno,
 A bod yn gyffelyb iddo !"

28 Ffarwel weddaidd fwynaidd forwyn,
 Llawenycha yn dy Frenin,
 Mae'r meddyliau dy fyn'd adre'
 Yn orfoledd i mi weithiau ;
 Wrth feddwl am elynion newydd,
 Sydd yma o hyd yn mynd y cystudd,
 A rhyw gro's, ddydd a nos,
 Yn aros yn rhyw le,
 Tithau hedaist i'r trigfanau
 Sydd uwchlaw cyrhaedd temptasiynau.

29 Nac achwyn mwy na chilwy' na chlefyd
 Nac unrhyw gystudd yn dy Ysbryd ;
 Na hudoliaethau gwaetha'r gelyn,
 Na chorff o lygredd yn dy ddilyn :
 Na rhodio mwy heb lewyrch hyfryd,
 Wyneb siriol dy Anwylyd ;
 Pan aethost fry i blith y llu,
 Sydd yna'n disgleirio,
 Ofon angau aeth yn ango',
 Yn y wlad 'rwyf ti'n preswyllo.

30 Bellach Nani 'rwy'n dystewi,
 Ni chaf yma mwy dy gwmp'ni ;
 Ffarwel cyd-ddarllain, cyd-ymdyddan,
 Ffarwel cyd-gerdded tuâ'r Ganaan,
 Ffarwel cyd-wrando, cyd-weddio,
 Ffarwel mwyach gyd ymdeimlo ;
 Ffarwel chwa'r, weddaidd wâr,
 Gyfeillgar gariadus ;
 Ffarwel i ti yn alarus,
 Ffarwel etto'n orfoleddus.

31 Un fil saith cant pedwar ugain,
 Pedair ragor medd gwyr Brydain,
 Oedd oedran harddein Harglwydd hynod
 Er pan ddaeth e' i wisgo dyndod ;
 Pump ar hugain ydodd hithau,
 Pan ei dodwyd gyda'i thadau :
 Pridd i'r pridd ro'wd yn nghudd,
 Heb gystudd na chwyuo ;
 Wrth Bant-y-Celyn ca'dd ei chuddio,
 Hi g'od yn anlygredig etto.

DIWEDD.